



**ZAPISNIK O RADU 54. SJEDNICE**  
**KOLEGIJA GRADSKOG VIJEĆA GRADA SARAJEVA**  
*ODRŽANE 22.03.2024. GODINE*

Broj: 01-GV-02-456/24  
Sarajevo, 22.03.2024. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Adi Škaljić, predsjedavajući Kluba gradskih vijećnika Naše stranke
5. Muamer Mekić, predsjedavajući Kluba gradskih vijećnika Socijaldemokratske partije BiH
6. Vedad Deljković, predsjedavajući Kluba gradskih vijećnika „Deljković-Simonović-Čengić“
7. Samir Bejić, predsjedavajući Kluba gradskih vijećnika „Danijela Šahat - Samir Bejić“
8. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srdić“
9. Bajro Biber, predsjedavajući Kluba gradskih vijećnika „USD-BOSS“
10. Seid Škaljić, predsjedavajući Kluba gradskih vijećnika „Seid Škaljić - Željko Majstorović“
11. Jasmin Skorupan, predsjedavajući Kluba gradskih vijećnika „Korora/Skorupan“
12. Enisa Spahić, predsjedavajuća Kluba gradskih vijećnica „Enisa Spahić-Amra Zulfikarpašić“
13. Mila Eminović, sekretar Gradskog vijeća

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

**Jasmin Ademović, predsjedavajući Gradskog vijeća** je otvorio sjednicu u 14.08 sati, pozdravio prisutne, te konstatovao kvorum za punovažan rad i odlučivanje

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** Zapisnik o radu 53. sjednice Kolegija Gradskog vijeća, održane 28.02.2024. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 54. sjednice Kolegija Gradskog vijeća, tako da glasi:

1. Utvrđivanje termina Svečane sjednicu u povodu 6. aprila - Dana Grada Sarajeva
2. Tekuća pitanja



## Ad 1)

### Utvrđivanje termina Svečane sjednicu u povodu 6. aprila – Dana Grada Sarajeva

U uvodnim napomenama, **Jasmin Ademović, predsjedavajući Gradskog vijeća** je upoznao članove Kolegija da je u ponedjeljak 25.03.2024. godina planirano upućivanje pozivnica za Svečanu sjednicu Gradskog vijeća u povodu 6. aprila - Dana Grada Sarajeva da je, s tim u vezi, razmatran mogući termin održavanja Svečane sjednice te da je, na kraju, proizašao prijedlog da se sjednica održi 6. aprila s početkom u 17.30 sati.

Podsjetio je da je 6. april subota, te da je, poslije sjednice, Gradonačelnica planirala, u svečanom salonu, organizovati svečanu večeru, odnosno iftar.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** sljedeći **zaključak**:

1. Svečana sjednica Gradskog vijeća Grada Sarajeva u povodu 6. aprila - Dana Grada Sarajeva održat će se u subotu 06.04.2024. godine sa početkom u 17.30 sati u Vijećnici.
2. Gradonačelnica će organizovati večeru u Svečanom salonu u Vijećnici s početkom u 19.15 sati.

**Jasmin Ademović, predsjedavajući Gradskog vijeća** je naglasio da je potrebno na Svečanu sjednicu pozvati predsjedavajuće općinskih vijeća i općinske načelnike devet općina u Kantonu Sarajevo.

Zatim je **Jasmin Ademović, predsjedavajući Gradskog vijeća** upoznao članove Kolegija o aktivnostima u pripremi Svečane sjednice Gradskog vijeća Grad Sarajeva.

## Ad 2)

### Tekuća pitanja

*a) Ostavka Predsjedavajućeg Odbora za budžet i finansije Gradskog vijeća Grada Sarajeva*

U uvodnim napomenama **Jasmin Ademović, predsjedavajući Gradskog vijeća** je upoznao članove Kolegija da je Namir Čomaga, predsjedavajući Odbora za budžet i finansije podnio ostavku na funkciju u ovom radnom tijelu.

Istakao je da se očekuje da Klub gradskih vijećanika Socijaldemokratske partije BiH dostavi prijedlog za razrješenje Namira Čomage, odnosno izbor novog člana Odbora.

Član Kolegija Adi Škaljić je napustio sjednicu Kolegija u 14.13 sati.

**Član Kolegija Muamer Mekić, predsjedavajući Kluba gradskih vijećanika Socijaldemokratske partije BiH** je upoznao članove Kolegija da će Klub, naredne sedmice, dostaviti prijedlog za razrješenje Namira Čomage iz Odbora za budžet i finansije i izbor novog člana Odbora za budžet i finansije.

**Jasmin Ademović, predsjedavajući Gradskog vijeća** je konstatovao da su se članovi Kolegija saglasili da se razrješenje Namira Čomage, člana Odbora za budžet i finansije i izbor novog člana Odbora za budžet i finansije razmatraju na 39. (aprilskoj) sjednici Gradskog vijeća, ukoliko Komisija za izbor i imenovanja, kao ovlašteni predlagač, utvrdi prijedloge odluka.

\*\*\*\*\*

**Jasmin Ademović, predsjedavajući Gradskog vijeća** je podsjetio da je potrebno da članovi Odbora za budžet i finansije prisustvuju 38. sjednici Gradskog vijeća kako bi se, u pauzi sjednice Gradskog vijeća održala sjednica Odbora, a radi davanja mišljenja na amandmane na Prijedlog izmjena i dopuna Budžeta Grada Sarajeva za 2024. godinu, ukoliko amandmani budu podneseni.

\*\*\*\*\*

b) *Prijedlog za imenovanje zamjenika Predsjedavajućeg Gradskog vijeća Grada Sarajeva iz reda srpskog naroda*

**Jasmin Ademović, predsjedavajući Gradskog vijeća** je upoznao članove Kolegija da je, nakon sazivanja 54. sjednice Kolegija Gradskog vijeća, Gradskom vijeću upućen prijedlog gradskog vijećnika Srđana Srdića da se za zamjenika predsjedavajućeg Gradskog vijeća iz reda srpskog naroda, izabere gradski vijećnik Srđan Srdić.

**Jasmin Ademović, predsjedavajući Gradskog vijeća** je podsjetio članove Kolegija na član 100. Statuta Grada Sarajeva („Službene novine Kantona Sarajevo“, broj 7/23) kojim se propisuje da odredbe koje se odnose na javno glasanje prilikom izbora predsjedavajućeg Gradskog vijeća i dva zamjenika predsjedavajućeg stupaju na snagu danom potvrđivanja rezultata lokalnih izbora u Bosni i Hercegovini 2024. godine, od strane Centralne izborne komisije Bosne i Hercegovine te da se predsjedavajući Gradskog vijeća i dva zamjenika predsjedavajućeg biraju, i dalje, tajnim glasanjem.

**Jasmin Ademović, predsjedavajući Gradskog vijeća** je predložio da se Prijedlog za imenovanje zamjenika Predsjedavajućeg Gradskog vijeća Grada Sarajeva iz reda srpskog naroda razmatra na 39. (aprilskoj) sjednici Gradskog vijeća budući da je 38. sjednica Gradskog vijeća već sazvana, a gradski vijećnik Srđan Srdić nije predložio da se ova tačka uvrsti u dnevni red po hitnom postupku.

Zatim je **Jasmin Ademović, predsjedavajući Gradskog vijeća** otvorio raspravu o ovom pitanju.

U raspravi su učestvovali članovi Kolegija **Seid Škaljić, Vedran Dodik i Vedad Deljković**.

Član Kolegija Toni Vukadin je pristupio sjednici Kolegija u 14.18 sati.

Nakon rasprave, **Jasmin Ademović, predsjedavajući Gradskog vijeća** je konstatovao da su se članovi Kolegija saglasili da se Prijedlog za imenovanje zamjenika Predsjedavajućeg Gradskog vijeća Grada Sarajeva iz reda srpskog naroda razmatra na 39. (aprilskoj) sjednici Gradskog vijeća, budući da je 38. sjednica Gradskog vijeća već sazvana.

\*\*\*\*\*

**Jasmin Ademović, predsjedavajući Gradskog vijeća** je najavio da će se 55. sjednica Kolegija, u pripremi 39. (aprilske) sjednice Gradskog vijeća, održati u ponedjeljak 01.04.2024. godine.

\*\*\*\*\*

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.22 sati.

*SEKRETAR GRADSKOG VIJEĆA*

*Mila Eminović, s.r.*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*